



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Ven. Viri Thomæ Malleoli A Kempis, Canonici Regvlaris  
Ordinis D. Avgvstini. Opera Omnia**

**Thomas <von Kempen>**

**Dvaci, 1625**

De ortu & interpretatione nominis Gerardi. Cap I.

[urn:nbn:de:hbz:466:1-45790](https://nbn-resolving.org/urn:nbn:de:hbz:466:1-45790)

<i>Qualiter à consortio secularium se subtraxit.</i>	VI.
<i>De abstinentia eius, &amp; de cilicio, quod gessit.</i>	VII.
<i>Quo consilio cœperit verbum Dei predicare.</i>	VIII.
<i>De laboribus &amp; patientia eius inter aduersarios.</i>	IX.
<i>De perfectione eius ad partes Brabantia.</i>	X.
<i>De rigore eius in vultu &amp; vestitu.</i>	XI.
<i>De deuotione eius in orationibus, &amp; diuinis audiendis.</i>	XII.
<i>De magno eius desiderio legendi scripturas sanctas.</i>	XIII.
<i>De multiplici fructu eius, in conuersione hominum.</i>	XIV.
<i>De desertis congregationibus &amp; monasterijs ab eo exortis.</i>	XV.
<i>De felici obitu eius, &amp; sepultura.</i>	XVI.
<i>De magnifica commendatione eius à Cantore Parisiensi.</i>	XVII.
<i>De publica protestatione eius, &amp; de veridica predicatione Euangelij, quod predicauit.</i>	XVIII.

## CAPVT I.

*De artu & interpretatione nominis eiusdem.*

**IV** Enerabilis magister Gerardus, dictus magnus, cuius fuit Dauentricensis ciuitatis, ex honestis & maioribus eiusdem loci parentibus ortus, ac diligenti cura suorum teneriter educatus. Congruè autem satis tale sortitus est nomen, à terrenis parentibus sibi impositum, sed cœlesti promissione postmodum in melius permutatum. Nam qui antiquam vitam suam in noue conuersationis statum mutauit, dignè quoque nomē eius piam interpretationem habere promeruit; sicut ob virtutum eius insignia, sequens narratio declarabit.

2. Dicunt namque Gerardus, quasi gerens artes; quia studio literarum deditus, in liberalibus artibus & scientijs multis fuit vel maximè eruditus. Vel dicitur Gerardus, quasi gerens arduum; quia gratia Dei misericorditer præuentus, in amore Christi arsi interius, & in diuinis laudibus vehementer erat affectus. Vel rectè iam tertio Gerardus vocatur, quasi gerens ardua, quia ad Deum perfectè conuersus, magna & alta gessit in vita; dum sedulo mentem ad cœlestia erexit, & multos populos ad emendationem vitæ prædicando conuertit. Nam totam hanc patriam nostram, vita, verbo, moribus, & doctrina illuminauit & accendit. Fuit itaque re & nomine magnus in seculo, diuitijs, honoribus, scientijs ac beneficijs locupletatus; sed maior exiit in contemptu seculi, & imitatione humilis vitæ Iesu Christi; nec non in multiplici fructu discipulorum Christi, sicut vestigia derelicta patenter ostendunt.

3. In memoria ergo æterna erit vir ille, qui in diebus nostris orthodoxæ fidei regulares securus docuit, & sanctæ religionis statum

statum per deuota exempla reparauit. Nam licet diu in seculari  
vita insolens ac vanus intercesserit, tamen postea conuersus  
humillimè ac deuotissimè in sancta paupertate & abstinentia  
multa, vitam valde exemplarem exegit, quam & felici agone  
optimè consummauit.

## CAPVT II.

*De celeri profectu eius in studio Parisiensi.*

**H**ic itaque à parentibus ad studium Parisiense, sub annis a-  
dolescentiæ missus est: & copiosis expensis præ multis  
consodalibus affluens, saragebat (pro quo venerat) proficere  
diligenter. Nec tunc quidem Christi gloriam studens quærebat;  
sed magni nominis vmbra sequens, famam potissimum cura-  
bat humanam.

2. In breui tamen, secundum communem studentium cursû,  
ad altiora auidè nitens, ad magisterium (intellectu suffragante)  
decimo octauo ætatis suæ annò promotus est. Adeptus ergo  
hunc apicem, cum calleret ingenio ac seculari fastu tumeret, ec-  
clesiasticis beneficijs insignitur; & inter plura beneficia, etiam  
Aquensis Ecclesiæ canonicus inuestitur. Verùm latas adhuc se-  
culi vias necdum inspiratus peruagatur, donec Deo miserante  
in virum alium mutaretur.

## CAPVT III.

*Quòd conuersio eius cuidam solitario in Colonia  
fuit reuelata.*

**S**ed cum omnipotens & milericors Deus, qui facit mirabi-  
lia magna solus, hunc doctum & famatissimum magistrû, à  
præsentis seculi nexibus soluere decreuisset, modum conuer-  
sionis eius duxit ad effectum. Cuius tamen conuersio homini-  
bus inopinata & incognita, cuidam solitario in Colonia prius  
fuit reuelata & prædicta.

2. Cum enim quodam tempore Coloniae esset, & secularibus  
ludis intenderet vagabundus, præfatus solitarius nomen  
& habitum magistri Gerardi expresse designans, prædixit  
eius conuersionem citò complendam, & multis profuturam.  
Vnde quidam hoc sciens, venit ad eum, vbi stabat, & ait: Quid  
hic stas vanis intentus? Alius homo fieri debes. Quod ille de  
se dictum, tanquam puerile factum existimauit, nec tunc quidè  
multum aduertit. Sed Deus præcius futurorum, qui non fallit,  
in breui tempore impleuit prædestinationis suæ verbum; reuo-  
cans dilectum sibi Gerardum, à via iniquitatis ad sanctæ con-  
uersationis statum, per quendam religiosum Carthusiensis or-  
dinis virum.

## CAPVT